

Aalisarnej pillugu Inatsisartut Inatsisaata allanngortinneqarneranik Inatsisartut inatsisaat nr. 5, 21. maj 2002-meersoq (Sinerissamut qanittumi aalisarnerup aamma avataasiorluni aalisarnerup akornanni pisassiissutit agguarneqarnerat, nalunaarutinik innuttaasunut aalajangersimasunut ataatsimoortunut sammitinneqartunik nalunaaruteqartarneq saqqummiussisarnerlu pillugit malittarisassat aamma tunitsivinnik nioqqutissiorfinnillu nutaanik pilersitsinermi Naalakkersuisut akuersissuteqartarnissaannik piumasqaat)

§ 1.

Aalisarnej pillugu Inatsisartut inatsisaanni nr. 18, 31. oktober 1996-imeersumi kingullermillu Inatsisartut inatsisaatigut nr. 15-ikkut 12. november 2001-imeersukkut allanngortinneqartumi makku allanngortinneqarput:

1. § 5-imi imm. 3–tutilanngunneqassaaq:

" Imm. 3. Kalaallit Nunaata Kitaani raajanut TAC –ip agguanneqarnerani sinerissamut qanittumi aalisariutinut 43 %-i avataasiortunullu 57 % tunniunneqartassaaq."

2. § 10-mi nr. 5 atorunnaarsinneqarpoq.

Tamatuma kingorna nr. 6 nr. 5-inngorpoq nr. 7-ilu nr. 6-inngorluni.

3. § 10-p kingornagut paragraffitut nutaatut ilanngunneqassaaq:

" § 10a. Aalisakkat erseqqinnerusumik nalunaarsorneqarsimasut aalisarnejarsinnaanerannut aamma aalisarnerup ingerlanneqarnissaanut atugassarititat pillugit Naalakkersuisut malittarisassiorsinnaapput.

Imm. 2. Aalisarnerup ingerlanneqarnissaanut atugassarititani allanngortitsinernik piffissanut killilikkanik taamatullu aamma aalisarnerup qaqugu aallartinneqarsinnaaneraniq unitsinneqarnissaanillu Naalakkersuisut nalunaaruteqarsinnaapput.

Imm. 3. Imm. 2 malillugu nalunaarutit imm. 1 tunngavigalugu malittarisassiat naapertorlugit nalunaarutigineqarlutillu atortussanngortinneqartassapput. Nalunaarutit Nalunaarutit-Grønlands Lovsamlingimi saqqummiunneqartassanngillat."

4. § 22-p kingorna paragraffittut nutaatut ilanngunneqassaaq:

" § 22a. Tunitsiviit nioqqutissiorfiillu nutaat Naalakkersuisut akuersissuteqarsimatinnagit pilersinneqassanngillat. Tamanna aamma atuuppoq nioqqutissiorfiup pioreersup tunitsivittut allanngortiterneqarnissaa imaluunniit aalisakkanik allanik nioqqutissiorfinngortinneqarnissaa kissaatigineqarpat.

Imm. 2. Imm. 1-mi aalajangersagaq namminersortut pisortalluunniit suliffeqarfiutaasa tunisassiorfinnik pioreersunik matuneqartunik tigusinissaannut akornusersuutitut atorneqaqqusaanngilaq. Tamanna aamma atuuppoq tigusinermut atatillugu tunisassiorneq allanngortinniarneqaraangat.

Imm. 3. Naalakkersuisut akuersissuteqarnerannut atatillugu susassaqtut tamarmik

tusarniaavigineqartassapput.

Imm. 4. Naalakkersuisut tunitsivinnik aamma nioqutissiorfinnik nutaanik pilersitsineq kiisalu nioqutissiorfiit pioreersut allanngortinneqarneri pillugit erseqqinnerusunik malittarisassiorsinnaapput."

5. § 32 ima oqaasertaqassaaq:

" § 32. Naalakkersuisut Aalisarneq pillugu Siunnersuisoqatigiinnik pilersitsissapput aalisarnermi soqutigisaqatigiiffinit ilaasortaaffigineqartumik.

Imm. 2. Naalakkersuisut Aalisarneq pillugu Siunnersuisoqatigiit kikkunnik inuttartartinneqassanersoq aammalu qassinik ilaasortaqassanersoq peqqussusiuutissavaat.

Imm. 3. Naalakkersuisut suliasani nalinginnaasuni §§ 5, 7, 9, 10, 11, 13, 18, 20, 22 aamma 23-mut tunngasuni Aalisarneq pillugu Siunnersuisoqatigiit tusarniaavigisassavaat.

Imm. 4. Apeqqutini imm. 3-mut ilaatinneqartuni kinguartinneqarsinnaanngitsuni Aalisarneq pillugu Siunnersuisoqatigiinni ilaasortanik tamanik allakkatigut Naalakkersuisut tusarniaatitsisinnaapput. Allakkatigut tusarniaaneq atorineqartassaaq siunnersuisoqatigiit isummerniarlutik ataatsimiissinnaanngikkaangata."

§ 2.

Inatsisartut inatsisaat ulloq 1. juni 2002 atuutilerpoq.

Namminersornerullutik Oqartussat, ulloq 21. maj 2002.

Jonathan Motzfeldt

/

Hans Enoksen